

續名醫類案

上



重刻續名醫彙纂序

醫之有案如史之有傳不僅為醫者傳也攷諸史有方術傳醫列其中注詳叙其人而方術頤昭焉體例宜也自宋張果作醫說十卷始論列古今諸醫考其得失矣有明江確父子撰名醫類案十二卷凡二百五門往古治驗方論多所摭拾每附評隲於下詳謬亦頗允

洽故得薛氏醫案石山醫案同為國朝子部所收乾隆中浙人魏玉衡以醫名病其未備也廣為續名醫類案六十卷江書所漏補載不少而明以來事為尤悉難採摭繁富不免蕪穢而摭摭既多變證咸備堪資考核條下附注詳正尤詳實之稱黃岐之功臣青囊之盛業初得徵歛以文刊行之不

胥而走者百餘年兵火後板不存藏是書者且罕矣彭小舉觀察耽書史善校讐心精力果雅與知不足齋主人埒自來粵東所藏訖慨士林輝光治諸之書靡不精刻而廣布茲更以活人壽世書重付剞劂其宏濟為何如哉書將成特以後序見該戲不文何足敘是書願於醫則嘗從事焉竊謂史以

祐姬濟醫以寄死生皆用以治人而非徒記姓名之學也取精華弃糟粕審擇而善學之醫何為獨不然若第論醫之為道則杭望浦余秋室兩先生固言之詳且盡矣

光緒十二年歲在丙戌皖涇潘駭敬并書於嶺西官廨



續名醫類案目錄

錢塘魏之琇撰 後學豫章張用賓體軒重校

第一卷

傷寒

第二卷

中寒

第三卷

瘧

溫病

第四卷

傷風

熱病

第五卷

疫

第六卷

惡寒

瘴

第七卷

泄瀉

第八卷

痢

第九卷

飲食傷

赤丹

第十卷

癰疽

內傷

第十一卷

虛損

第十二卷

吐血

溺血

第十三卷

癰瘰

腫脹

第十四卷

膈

喘

第十五卷

汗

瘧痢

痢後風

消

黃疸

痞

鬱症

勞瘵

衄血

下血

痿

痛痺

諸氣

哮

呃逆

咳嗽

第十六卷

痰 飲 吞酸餽雜

頭 眉髮鬚 面

第十七卷

目 耳 鼻

口 唇 齒

第十八卷

舌 咽喉 瘡

心胃痛 脇痛

第十九卷

腹痛 腰痛 前陰古今醫案陽痿入此門

鶴膝風 腳氣 足跟腫痛

第二十卷

遺精 淋濁 疝

小便秘 小便不禁附類數遺溺 大便不通

第二十一卷

驚悸 顛狂 癇

哭笑 不眠 跌撲

鯁刺

第二十二卷

蠱 諸蟲 虵證

中毒 丹石毒 邪崇

奇疾 飛尸 詐病

鍼灸刺砭 色診

第二十三卷婦人症

經水 熱入血室 崩漏

帶下 交腸 求子

第二十四卷胎前

妊娠 胎動 子懸

子腫 轉胎 胎墜

胎死 異胎 鬼胎

傷寒 感寒 傷暑

喘逆 咳嗽 煩熱

嘔吐 泄瀉 秘結

瘧疾 下痢 瘧痢

內傷 悲傷 心腹痛

虛損 瘡 乳痛

第二十五卷產後

惡阻 下血 子痛

產難	胞衣不下	隱疾
瘀滯	癥瘕	血崩
血迷	血虛	肉線出
惡露多	感證	感暑
火熱	惡寒	喘
咳嗽	嘔	泄瀉
小便不禁	大便秘結	瘧
下痢	孕產痘	類風
瘰	痛痺	頭痛
瘡	病乳	腰脇痛
腹痛	浮腫	虛汗
虛損	驚悸	顛狂
見鬼		
第二十六卷 痘證		
諸家痘瘡方論	小兒痘	痘 報痘
黑痘	白痘	嬌紅痘
第二十七卷 痘症		
順證	氣虛	梟毒
毒壅	血熱	諸熱
汗	中暑	渴
第二十八卷 小兒科		
傷風	暑	傷食
瘡	傷寒	感證
乳病	變蒸	喉舌滯頤
臍風	赤丹	胎毒
瘡疹	初生	牙疳
第二十八卷 小兒科		
倦怠嗜臥	羸瘦	
伏陷 _{附倒}	痘毒	腫脹
手足	膿期	膿期 _{附痲後}
發核	腹痛	腰痛
口疳	咽痛	瘡
疫癘	目	唇口
泄瀉	痢	便秘
咳嗽	嘔吐噦	吐瀉及蛔
煩躁	譫妄	喘急
厥逆	昏冒	驚搐
傷食	寒戰齧牙	寒折
夾疹	夾丹 _{附夾瘡}	失血
疔	水泡	夾斑
痛	癢	疥癬

第二十九卷 小兒科

受驚 驚風 慢驚

風癇 發熱 嘔吐

泄瀉 吐瀉 瘧

痢 瘧痢

第三十卷 小兒科

嗽 喘 哮

虛損 疳 腫脹

癖積 蟲 吐衄

心腹痛 黃疸 附啼哭 語遲行遲

胎疾 尅病 相思

跌撲損傷 發背 結核

下疳 疔 便血

疳瘡 瘍證

第三十一卷 外科

癰疽 腦疽 鬚疽

頤疽 項癰 肩癰

臂癰 乳癰乳巖 胸癰

脇癰 腋癰 胃腕癰

第三十二卷 外科

發背 肺癰肺痿 腹癰

腰疽

第三十三卷 外科

腸癰 腸風臟毒 痔 附脫肛

漏瘡 腎癰 囊癰

懸癰 疔瘡 腿癰

臙瘡 脫疽 多骨疽

附骨疽

第三十四卷 外科

時毒 疔 疣

結核 癰癰 流注

第三十五卷 外科

膿疥 癬 疙瘡

血風癰疹 瘙癢 瘡癰

瘍症 瘍症便秘 腎臟風

癰風 下疳 梅瘡

第三十六卷 外科

白癰風 附紫癰風 斑瘡 天泡瘡

瘀血腹痛 脾傷腹痛 血虛煩躁

淫痰作痛 骨傷作痛 氣虛壅腫

肺火衄血

陰虛作喘

陽氣脫陷

痛傷胃嘔

涼血遏經

杖瘡

分症三十條

金瘡

湯火傷

竹木刺傷

蟲獸傷

破傷風

續名醫類案卷一

錢塘魏之琇編集

後學

鐵嶺李定源本之

昆明完

瑣少衡

重校

傷寒

許叔微云有病傷寒身熱頭疼余視之曰邪在表此表實症也當汗之以麻黃湯或問曰傷寒大抵因虛故邪得以入之邪在表何以云表實也予曰古人稱邪之所湊其氣則虛留而不去其病則實蓋邪之入人也始因虛入邪居中反為實矣大抵調治傷寒先要明表裏虛實能明此四字

則仲景三百九十七法可立而定也何以言之有表實有表虛有裏實有裏虛有表裏俱實有表裏俱虛仲景麻黃湯之類為表實而設也桂枝湯之類為表虛而設也裏實則承氣之類是也裏虛則四逆之類是也表裏俱實所謂陽盛陰虛下之則愈也表裏俱虛所謂陽虛陰盛汗之則愈也常讀華佗傳有府吏倪尋李延其症俱頭痛身熱所苦正同佗曰尋當下之延當發汗或難其異佗曰尋外實延內實故治之異耳

外實內實汗下倒施疑有誤此可當傷寒總論

一人初得病四肢逆冷臍下築痛身痛如被杖蓋陰症也急服金液破陰來復等丹其脉遂沉而滑沉者陰也滑者陽

也。陰病得陽脈者，生。仍灸氣海、丹田、百壯，手足俱溫，陽回得微汗而解。或問滑沉之脈，如何便有生理？曰：仲景云：翁奄沈名曰滑。何謂也？沉為純陰，翁為正陽。陰陽和合，故名曰滑。古人論脈滑，雖曰往來前却，流利旋轉，替替然與數相似。仲景三語而足也。此三字極難曉。翁合也。言張而復合也。故曰翁為正陽。沈言忽降而下也。故曰沈為正陰。方翁而合。俄降而沈，奄為忽忽間。仲景論滑脈，可謂諦當矣。其言皆有法，故讀者難曉。宜細思之。可作傷寒論讀治陰症指南

一人病傷寒下利，神昏多困，謔語不得眠，或者見下利，便以謔語為陰虛症。許曰：此亦小承氣症。眾駭曰：下利而服小

承氣，仲景之法乎？許曰：此仲景之法也。仲景曰：下利而謔語者，有燥糞也。屬小承氣湯而得解。予嘗讀素問云：微者逆之，甚者從之。逆者正治，從者反治。從多從少，視其事也。帝曰：何謂反治？岐伯曰：塞因塞用，通因通用。王冰注云：大熱內結，注瀉不止，熱宜寒療，結熱須除，以寒下之，結散利止，則通因通用也。正合於此。又何疑焉？引經論治了如指掌治裏症法

一人患傷寒，五六日頭汗自出，自頸以下無汗，手足冷，心下痞悶，大便秘結，或者見四肢冷，又汗出滿悶，以為陰症，診其脈沈而緊，為少陽症。多是自利，未有秘結也。此症半在表，半在裏。投以小柴胡湯得愈。仲景謂四肢冷，脈沉緊，腹

滿，全似少陰。然大便秘，頭汗出，不得為少陰。蓋頭者三陽同聚。若三陰止胸而還，有頭汗出，自是陽虛。故曰汗出為陽微，是陰不得有汗也。若少陰頭有汗，則死矣。故仲景平脈法云：心者火也，明少陰則無頭汗者，可治。有汗者死。心為手少陰，腎為足少陰，相與為上下，惟以意逆志者，斯可得之。治半表半裏法

一人患傷寒得汗數日，忽身熱自汗，脈弦數，心不得甯，真勞復也。診之曰：勞心之所致。神之舍未復其初，而又勞傷其神，營衛所以失度也。當補其子，益其脾，解其勞，庶幾得愈。授以補脾湯，佐以小柴胡湯，解之而愈。補脾湯：人參、白朮、

甘草、橘皮、青皮、乾薑各等分。傷寒之後防有餘熱乾薑白朮尚宜斟酌侯國華病傷寒四五日，身微斑，渴欲飲，診之沉弦欲厥，陰脈

也。服溫藥數日不已。又以薑附等藥，覺陽微回，脈漸生。因渴私飲水一杯，脈退。又見頭不舉，目不開，問之則犯陰陽易。只與燒棍散連進二服，出大汗，兩晝夜而愈。陽易治法

衍義治傷寒汗不出，摘腳法：用海蛤粉、烏頭各二兩，川山甲三兩，為末，酒糊為丸，大一寸許，捏匾置患人足心下，篋蔥白蓋藥，以帛纏足，坐于暖室，取熱湯浸腳至膝下，久則水溫，又添熱水，候遍身汗出為度。凡一二日一次，浸腳以和為度。外治取汗法

以上俱醫學綱目

張子和曰：予之常谿雪中冒寒入浴，重感風寒，遂病不起。但使煎通聖散單服之，一二日不食，惟渴飲水，亦不多飲。時使人搥其股，按其腹，凡三四日不食，日飲水一二十度。至六日有譫語妄見，以調胃承氣湯下之，汗出而愈。常謂人曰：傷寒勿妄用藥，惟飲水最爲妙藥。但不可使之傷，常令揉散乃大佳耳。至六七日見有下證，方可下之。豈有變異哉？奈何醫者禁人飲水，至有渴死者。病人若不渴，強與水飲，亦不肯飲也。予初病時，鼻塞聲重，頭痛，小便如灰淋汁，及服調胃承氣一兩半，覺欲嘔狀，探而出之，汗出熱熱

然，須臾下五六行，大汗一日乃瘳。當日飲水下，則痰出約

一二碗。痰卽是病也。痰去則病去矣。予時年六十一歲。傷寒

初起在表時速以麻黃湯解之，則不至成下證。否則二三日後便入裏，不得不用承氣矣。予和此案俱得法，惟解表畧緩，故須繼以承氣耳。

焦百善偶感風寒，壯熱頭痛，其巷人點蜜茶一碗使啜之。焦因熱服之訖，偶思張語曰：凡苦味皆能涌，今兼頭痛，是病在上，試以箸探之，吐畢其痛立解。

孫珥治俞伯道，忽患微熱，心下滿，頭痛，汗不能解。眾醫以爲溫病，用表有謂食在膈者，治之不愈。召孫至，用半夏茯苓湯問其故，曰：頭有汗，心下滿，非濕症，乃水結胸也。小便既

去，其病乃愈。且如濕氣心下滿，自當遍身有汗，有食心下滿，豈得有汗？若言是表，身又不惡寒疼痛，表症何在？故凡水結胸，頭必有汗。出傷寒口訣

實材治一人患肺傷寒，名頭痛發熱，惡寒咳嗽，肢節疼，脉沈

緊，服華蓋散，黃芪建中湯畧解。至五日昏睡，譫語，四肢微厥，乃腎氣虛也。灸關元百壯，服薑附湯始汗出愈。作虛治

一人傷寒昏睡妄語，六脉弦大，實曰脉大而昏睡，定非實熱，乃脉隨氣奔也。強爲之治，用烈火灸關元穴。初灸病人覺痛，至七十壯遂昏睡不痛。灸至三鼓，病人開眼思飲食，令服薑附湯至三日後，方得元氣來復，大汗而解。

一人患傷寒至八日，脈大而緊，發黃生紫斑，噫氣，足指冷至脚面，此太陰症也。最重難治。爲灸命關五十壯，關元二百壯，服金液丹鍾乳粉，四日汗出而愈。

一人患傷寒至六日，脈弦緊，身發熱自汗，太陰症也。先服金液丹灸命關穴。病人不肯灸，傷寒惟太陰少陰二症，死人最速，若不早灸，雖服藥無功。不信，至九日瀉血而死。

一人傷寒至六日微發黃，一醫與茵陳湯，次日更深黃色，遍身如卮子，此太陰症。誤服涼藥，而致肝木侮脾，爲灸命關五十壯，服金液丹而愈。

一人患傷寒，初起即厥逆，脈一息八九至，諸醫以爲必死，實

曰乃陰毒也。厥逆脈數斷為陰毒必與薑附湯一盞。至半夜汗出而愈。若以脈數為熱。下涼藥必死無疑。

張子和之僕嘗與隣人同病傷寒俱至六七日下之不通隣人已死僕發熱極投於井中撈出以汲水貯之檻使坐其中適張遊他方家人偶記張治法曰傷寒三下不通不可再攻便當涌之。試服瓜蒂散良久吐膠痰三碗許與宿食相雜在地狀如一帚頓快乃知世醫殺人多矣。又一吏吐訖使服太白散甘露散以調之。邪結陽明發為狂熱吐之猶是宿食非若燥糞便鞭可下而愈也。

萬密齋治縣尹唐肖峯二月間患傷寒醫進九味羌活湯不

效又云內傷挾外感進補中益氣湯不效又進柴苓湯去人參病畧減四日復發熱頭苦痛醫欲下之未決萬脈之陽明少陽洪長而弦曰此元氣素虛因起早感寒得之今病在少陽陽明併病乍熱乍涼者少陽也頭苦痛者陽明也宜小柴胡合葛根葱白湯唐曰吾素多痰火病勿用人參萬曰元氣不足乃虛火也實火宜瀉虛火宜補幸勿疑一劑而病愈

胡晏年五十病傷寒十六日不解其症乍寒時即以衣被厚覆蒙頭而卧不勝其寒乍熱時即撤去衣被暴露其身更用扇不勝其熱如此一日夜十餘次醫皆不識萬至告以

病狀可怪邀診其脉曰不必診此易知耳夫惡寒病在表也何以無頭痛症惡熱病在裏也何以無渴及便溺不利症此病在半表半裏陰陽混亂也陰氣乘陽則惡寒陽氣乘陰則惡熱宜用小柴胡以治其半表半裏之邪。卮子豆豉以治其陰陽錯雜之邪服之寒熱不再作而愈

李養晦患傷寒苦右脇痛醫用陶節庵法以小柴胡加枳殼桔梗服之無效已十七日萬脈之沉弦且急曰此畜水症也經云沉潛為水支飲脈弦急必得之飲水過多問曾服何方以前藥對萬曰只用此方再加牡蠣以洩其畜水可耳一服而痛止

一門子病傷寒醫與發汗七日後不愈小腹滿而痛欲下之未敢萬脈之沉弦而急問曾渴飲水乎答曰甚渴雖飲水渴不止曰此畜水似疝症不可下也乃用五苓散以利其水加川練子小茴香以止小腹之痛一服洞泄四五行皆清水次日再求診曰不必再藥水盡泄自止矣三日後果安

沈天祿病傷寒汗下後病不解身無大熱不惺惺醫者但云譫語以症論之乃錯語也。譫語錯語極宜細辨緣汗下之後元氣未復神識不清耳與補中益氣湯去升柴加麥冬生地熟附子一服而愈

孫文垣治張二官發熱頭痛口渴大便秘結三日未行脈洪大曰此陽明少陽二經之症用大柴胡湯行三五次所下皆黑糞夜出臭汗次日清爽惟額上仍熱陽明部位用白虎湯加葛根天花粉因食粥太早復發熱咳嗽口渴殊甚且惡心食復用小柴胡加枳實山梔麥芽次日渴不可當半夏枳實麥芽皆能耗陽改以白虎湯加麥冬花粉外與辰砂益元散以井水調服五錢熱始退渴始定不虞夜睡失益復受寒邪天明又大發熱人事不知復感急用小柴胡湯加升麻葛根前胡薄荷汗出熱退神思大瘳四肢皆冷語言懶倦且咳嗽以生脈散加石斛百合大棗白芍服後咳嗽尋止精神日加飲食進而愈

繆仲醇治姚平子傷寒頭疼身熱舌上黃胎胸膈飽悶三四日熱不解奄奄氣似不屬者邪熱甚則正氣餒不可誤認爲虛一醫以其體素弱病久虛其意欲投參少許繆叱曰一片入口死矣亟以大黃一兩瓜蘖二枚連子切片黃連枳實下之小陷胸加大主人驚疑不得已減大黃之半二劑便通熱立解遂愈高存之一家人婦傷寒來乞方繆已疏方與之矣見其人少年曰若曾病此否曰然曰愈幾日而妻病曰八九日曰曾有房慾否曰無之繆故曰若有房慾此方能殺人也其人即置方不取遂以禪福雄鼠糞麥冬韭白柴胡二劑勢定

更用竹皮湯二三劑全愈觀此則傷寒初愈臟腑猶多熱毒時師不察驟投參耆尤附溫補其遺思可勝言哉

一奴傷寒熱解後復下血不止主人以痢藥投之更甚繆曰此傷寒失汗之餘症也用地榆麥冬知母竹葉以代仲景諸血症藥遂愈

翁具茨感冒壯熱舌生黑胎煩渴陽明症勢甚劇諸昆仲環視

揮淚羣醫束手繆以大劑白虎湯加人參三錢一劑立甦

或問繆治傷寒有秘方乎繆曰熟讀仲景書即秘方也按此係溫病故以人參白虎湯取效

常熟吳見田在京邸時有小青衣患傷寒愈而復復而愈愈

而再復不知其幾謂繆曰非兄不能救診之病人面色黃白有胃色六脈微弱有胃色大便不通胸中不快亦不思食曰

此爲傷寒百合無經絡百脈一齊壞症正氣已虛邪氣留致病謂之百合病後或虛羸少氣之餘邪且退矣以色脈斷胸中不快虛而氣壅皆謂之壞病

非實邪不大便者久病津液枯氣弱不能送也投以人參

五錢麥冬一兩枳殼炒八錢盡劑立解而瘥文田案用百合病非也此直是傷寒壞症耳合治者方謂

梁溪一男子素虛春中感冒頭痛肌痛發熱羌活二錢麥冬

三錢炙甘草一錢紫蘇一錢五分北細辛七分前胡一錢

五分次日頭痛止熱未退口渴繆用白芍五味子人曰風

未退，遽用酸飲何也？曰：因人而施爾。一杯即愈。麥冬三錢，甘草一錢，括蕞根二錢五分，乾薑一錢五分，桑皮三錢，桔梗一錢，白芍一錢，五味五分。

四明虞吉卿因三十外出疹，不忌猪肉，兼之好飲，作泄八載

矣。忽患傷寒，頭疼如裂，滿面發赤，汗出不徹，舌生黑胎，煩燥口

渴，時發譫語，兩眼不合者七日。皆屬陽明，洞泄如注，較前益無

度。協熱也，脈之洪大而數，實熱為疏竹葉石膏湯方，因其有腹

瀉之病，石膏止用一兩，病初不減，此兄素不謹，一友疑其

虛也，云宜用肉桂附子。凡診病淺見者反若深慮多令病者無所適從，或以其言

來告，繆曰：誠有是理，但前者按脈似非此症，豈不數日而

脈頓變耶？復往視，仍洪大而數，曰：此時一投桂附，即發狂

登屋，必不揀矣。一照前方，但加石膏至二兩，或曰得毋與

瀉有妨乎？曰：邪熱作祟，此客病也，不治立殆。渠泄瀉已八

年，非暴病也，治病須先太甚，急治其邪，徐并其風，悉除之。

急進一劑，夜臥遂安，即省人事，再劑而前惡症頓去。數日

霍然，但瀉未止耳。為疏脾腎雙補丸，更加黃連乾薑葛升

麻，以痧痢法治之。不一月瀉竟止，八載沉痾一旦若失。按

此亦溫熱症非傷寒也。

莊欽之一莊僕，因受寒發熱，頭痛如裂，太陽兩目俱痛，陽明渾身

骨內疼痛，下元尤甚。勞傷狀如刀割，不可忍耐。熱甚口渴甚

大便日解一次，胸膈飽脹，下不解，已待斃矣。為疏一方，乾

葛三錢，石膏一兩五錢，麥冬八錢，知母三錢五分，羌活二

錢五分，大瓜蕞半個，連子打碎，枳殼一錢，桔梗一錢，竹葉

一百片，河水煎服，四劑而平。此太陽陽明病也。貧人素多

作勞，故下體疼痛尤甚，以羌活去太陽之邪，石膏竹葉乾

葛麥冬知母解陽明之熱，括蕞桔梗枳殼疏利胸膈之留

邪，故遂愈。

又莊一僕，因傷寒後勞復，發熱頭痛，腹中作嘔，勢甚危急，為

疏一方，山梔仁四錢，枳實二錢，豆豉一兩，川黃連二錢，乾

葛三錢，調六一散五錢，服二劑，熱退瀉止，頭痛亦愈，但不

思飲食，為去山梔枳實黃連，加鱉甲四錢，炙甘草二錢五

分，麥冬五錢，不數劑而愈。

朱遠齊治從祖近湖公少年，因房勞食犬肉傷寒，諸醫以其

虛也，攻補兼施，至發狂登屋，奔走號呼。陽明府症實熱日夜令壯

夫看守，幾月餘矣。急走使延朱，朱先令煎人參膏二斤以

待，用潤字號丸藥數錢下之，去黑糞無算，熱遂定，奄奄一

息，鄰於死矣。徐以參膏灌之，至一百二十日全瘳。以上廣筆記

龔子才治一人頭疼發熱，憎寒身痛，發渴譫語，日久不出汗，

以大梨一枚，生薑一塊，同搗取汁，入童便一碗，重湯煮熟，

食之，汗出如水即愈。製方甚佳，愈于甘露且免地黃之忌

太守劉雲亭患傷寒發熱面紅唇赤面壁踰身而臥諸醫以小柴胡湯解毒湯之類數劑弗效診之六脉浮大無力此命門無火也。合脈與症即是戴陽以人參附子沉香服之立愈三服全安

一嫗年七旬傷寒初起頭痛身疼發熱憎寒醫以發散數劑不效淹延旬日漸不飲食昏沉口不能言眼不能開氣微欲絕。純見陰證凡實證而見此亦宜獨參猛進貧者以重劑犯地少人乾薑與人參五錢煎湯徐徐灌之須臾稍省欲飲水煎渣服之頓愈又十年乃卒當與疫症內蘇韜光一案同參

李士材治一人傷寒九日以來口不能言目不能視體不能動四肢俱冷咸謂陰症診之六脉皆無以手按腹兩手護之。拒按是也眉皺作楚。實邪按其趺陽大而有力乃知腹有燥矢也欲與大承氣湯病家惶懼不敢進李曰吾郡能辨是症者惟施笠澤耳。此等症人便稀識可為浩歎延診之若合符節遂下之得燥矢六七枚口能言體能動矣故按手不及足者何以救此垂絕之症耶

一人傷寒煩燥面赤亂悶欲絕時索冷水手揚足踢難以候脉五六人製之方得就診洪大無倫按之如絲李曰浮大沉小陰症似陽也與附子理中湯當有生理其弟駭曰醫者十輩至不曰柴胡承氣則曰竹葉石膏今反用此熱劑

烏乎敢李曰溫劑猶生涼劑立斃矣卜之吉遂用理中湯加入人參四錢附子一錢煎成人井水冷與飲甫及一時狂燥定矣再劑而神爽服參至五斤而安。得方在入井水內服

凡遇此等傷寒能以全料六味減苓瀉加麥冬杞子用大砂礮濃煎與之必數杯而後酣寢汗出而愈于時此法未開惟倚仗人參之力取効本陰竭之症乃峻補其陽復生陰而愈故用參每多至數斤使在今時非猗頓之家不可為矣

一人傷寒至五日下利不止懊憹目脹諸藥不効有以山藥伏苓與之慮其瀉脫也李診之六脉沉數按其臍則痛此協熱自利中有結糞小承氣倍大黃服之果下結糞數枚遂利止懊憹亦痊

一人傷寒第二日頭痛發熱李曰方今正月時令猶寒必服麻黃湯兩日愈矣若服冲和湯不惟不得汗即使得汗必致傳經遂以麻黃湯熱飲之更以滾水入浴桶置牀下熏之得汗如雨密覆半晌易被神已爽矣晚索粥家人不與李曰邪已解矣必不傳裏食粥何妨明日果愈不以麻黃汗之傳變深重非半月不安也。蔡按用麻黃取汗須防太過

吳光祿患傷寒頭痛腹脹身重不能轉側口內不和語言謔妄有云表裏俱有邪宜以大柴胡下之李曰此三陽合病

也。誤下之。決不可救。乃以白虎湯連進兩服。諸症漸減。更加花粉麥冬兩劑而安。蔡按此亦溫熱之症。

楊與師安發熱頭疼。六日後忽見紅疹。眾皆以為發斑。用升麻犀角等湯。凡五日不効。李視之曰。此疹也。非斑也。斑為陽明火毒。疹為太陰風熱。一表一裏。判如天淵。乃用防風二錢。黃芩一錢。甘草五分。薄荷桔梗蟬退各一錢。四劑霍然矣。

一人傷寒六日。譫語狂笑。頭痛有汗。大便不通。小便自利。眾議承氣湯下之。脈之洪而大。因思仲景云。傷寒不大便。六七日頭疼有熱。小便清。知不在裏。仍在表也。方今仲冬。宜

與桂枝湯。眾皆咋舌掩口。謗甚力。以譫語為陽盛。桂枝入口必斃矣。李曰。汗多神昏。故發譫妄。雖不大便。腹無所苦。和其營衛。必自愈矣。遂遵眾用之。及夜笑語皆止。明日大便自通。故夫病變多端。不可膠執。向使狐疑而用下藥。其可活乎。有汗不可用麻黃。無汗不可用桂枝。古人之定例也。此症明明有汗。豈可執譫妄一端而誤用下藥乎。且不大便。腹無所苦。即不可下之的據。

盧不遠治來。熙庵姪身體豐碩。傷寒已二十八日。人事不省。不能言語。手足揚擲。腹脹如鼓。而熱烙手。目赤氣粗。齒稿舌黑。參附石膏硝黃芩連。無一不服。諸醫告退矣。診之。脉濁鼓指。用大黃一兩。佐以血藥。以血藥佐下。一劑下黑血。

一二斗少甦。四劑始清。蓋此症寒邪入胃。畜血在中。其昏沉揚擲。是喜妄如狂之深者也。當時大黃未嘗不用。而投非其時。品劑輕小。不應則惑矣。甯望放胆哉。先時雖用大黃。仍是失下。合脈與症復大下之。非高手不能。

蜀孝廉阮太和病寓吳山下。召診。披衣強坐。對語甚莊。神氣則內索也。身熱進退。舌胎黃而厚。蓋自吳門受寒。以肉羹為補。而時啜之。遂纏綿匝月。盧用疏散輕劑。熱退。又復強啖。再熱不能起坐。越五日診之。譫妄呼笑。不識人已三日。形骨立。汗雨下。而內熱特甚。胸脇之熱。捫之烙手。第脈尚有神。乃用人參八錢。加四逆散中一劑。而譫妄定。三劑而

熱邪清矣。自言其神魂窮天之上。極地之下。飛揚奇變。得太乙神符召之。始得返生。愈後問藥狀。曰。此寒傷心氣。在苒厥深。而湊于胸也。以不第南旋。病淹中道。骨肉遼遠。藥石弗周。則心已傷矣。又反復再四。汗液多亡。內無主宰。熱遂入胸。胸為心主之宮城。精神因而渙散。是以游魂為變也。用四逆使熱外出。加人參俾神內凝。邪氣散是以主耳。有此二端。便非陰證。

吳季先治一人。傷寒身寒逆冷。時或戰慄。神氣昏昏。大便秘。小便赤。有此二端。便非陰證。六脈沈伏。或憑外象謂陰症。投熱劑。或以脈沉伏。亦作陰治。吳診之。脉沉伏。而重按之。

則滑數有力愈按愈甚。視其舌則燥。探其足則暖。曰此陽症似陰。設投熱藥。火上添油矣。乃用苦寒峻劑。煎成乘熱頓飲而痊。寒因熱用法

按內真寒而外假熱。諸家嘗論之矣。至內真熱而外假寒。論及者罕。此案故宜熟玩。

一人病昏昏默默。如熱無熱。如寒無寒。欲臥不能臥。欲行不能行。虛煩不耐。若有神靈。莫可名狀。此病名百合。雖在脈。實在心肺兩經。以心令血脈。肺潮百脈故也。蓋心藏神。肺藏魄。神魄失守。故見此症。良由傷寒邪熱。失於汗下和解。致熱伏血脈而成。用百合一兩。生地汁半鐘。煎成兩次服。

必候大便如漆乃瘥。論百合病深得真諦

張景岳治王生。年三旬。病陰虛傷寒。葉天士曰陰虛二字尙耗當用滋陰。若用桂附則非陰虛。乃虛寒火衰之症。或火戴陽格陽。陰症似陽。乃可用矣。此處關頭宜細詳察。其舌芒刺乾裂。焦黑如炭。身熱便結。大渴喜冷。而脈則無力。神則昏沉。羣謂陽症陰脈。必死無疑。察其形氣未脫。遂以甘溫壯水等藥。大劑進之。以救其本。仍間用涼水。以滋其標。蓋水爲天一之精。涼能解熱。甘可助陰。非苦寒傷氣可比。故於津液乾燥。陰虛便結而熱渴火盛之症。在所不忌。由是水藥並進。葉天士曰若用桂附人參此虛寒之證。冷繆妄惟邪熱熾。水必不喜飲。豈可飲一二斗乎。此言甚覺盛可飲冷水。然後諸症漸退。飲食漸進。神氣俱復矣。但

察其舌則如故。心甚疑之。閱數日。忽舌上脫一黑殼。其內新肉燦然。始悟其膚腠焦枯。死而復活。使非大合添補。安望再生。若此一症。特舉其甚者。凡舌黑用補。得以保全者甚多。蓋傷寒之舌。則熱固能黑。以火盛而焦也。虛亦能黑。以水虧而枯也。葉天士曰水虧之黑。豈可用熱。若以舌黃舌黑。悉爲實熱。則陰虛之症。萬無一生之矣。按是症既云陰虛燥渴。用涼水是矣。而又雜與桂附各數兩。治法未能無疵。至舌胎成殼脫落。恐桂附之投。不能無過也。

一衰翁。年過七旬。陡患傷寒。初起即用溫補調理。至十日之外。正氣將復。忽爾作戰。自旦至辰。不能得汗。寒慄危甚。用六味回陽飲。入人參一兩。薑附各三錢。煎服。下咽少頃。即大汗如浴。時將及午。而浸汗不收。身冷如脫。鼻息亦幾無。令以前藥復煎。與之。曰先服此藥。已大汗不堪。今又服此。尙堪再汗乎。笑謂曰。此中有神。非爾所知也。急令再進。遂汗收神復。不旬日起矣。嗚呼。發汗用此。而收汗復用此。無怪乎人之疑之也。不知汗之出與汗之收。皆元氣爲之樞機耳。

喻嘉言治黃長人。犯房勞。病傷寒。守不服藥之戒。身熱漸退。十餘日外。忽然昏沉。渾身戰慄。手足如冰。乃熱深厥亦深也。亟請喻至。一醫已合就薑附之藥矣。見而駭之。診畢。再三關其

差謬。主人自疑陰症。言之不入。又不可以理服。乃與醫者約曰。此一病藥入口中。出生入死。關係重大。吾與丈各立擔承。倘用藥差誤。責有所歸。醫者云。吾治傷寒三十餘年。不知甚麼擔承。喻笑曰。有吾明眼在此。不忍見人活活就斃。吾亦不得已也。如不擔承。待吾用藥。主家方安心請治。與以調胃承氣湯。約重五錢。煎成熟服半盞。少頃又熱。眼半盞。其醫見厥漸退。人漸甦。知藥不悞。辭去。仍與前藥。服至劑終。人事大清。忽然渾身壯熱。厥止則陽回。復現熱症。再與大柴胡一劑。熱退身安。門人問曰。病者云係陰症。見厥。先生確認為陽症。而用下藥。果應。其理安在。答曰。其理頗微。吾從

悟入。可得言也。凡傷寒病初起發熱。煎熬津液。鼻乾口渴。便秘。漸至發厥者。不問可知其為熱也。若陽症忽變陰厥者。萬中無一。從古至今無一也。蓋陰厥得之陰症。一起便直中陰經。唇青面白。遍身冷汗。便利不渴。身踈多睡。醒則人事了了。與傷寒傳經之熱邪。轉入轉深。人事昏惑者。萬萬不同。諸書類載陰陽二厥為一門。即明者猶為所混。況昧者乎。如此病先犯房勞。後成傷寒。世醫無不為陰症之名所惑。往往投以四逆等湯。致陰竭莫救。促其暴亡。尚不知悟。總由傳派不清耳。蓋犯房勞而病感者。其勢不過比常較重。如發熱則熱之極。惡寒則寒之極。頭痛則痛之極。

所以然者。以陰虛陽往乘之。非陰盛無陽之比。況病者始能勿藥。陰邪必輕。旬日漸發。尤非暴症。安得以陰厥之例為治耶。且仲景明言。始發熱六日厥反。九日後復發熱三日。與厥相應。則病旦暮愈。又云厥五日。熱亦五日。設六日當復厥。不厥者自愈。明明以熱之日數。定厥之痊期也。又云厥多熱少則病進。熱多厥少則病退。厥愈而熱過久者。必便膿血發癰。厥應下而反汗之。必口傷爛赤。先厥後熱。利必自止。見厥復利。利止反汗出咽痛者。其喉為痺。厥而能食。恐為除中。厥止思食。邪退欲愈。凡此之類。莫非熱深發厥之旨。原未論及於陰厥也。至於陽分之病。而妄汗妄

吐妄下。以致勢極。如汗多亡陽。吐利煩燥。四肢逆冷者。皆因用藥差誤所致。非以四逆真武等湯挽之。則陽不能回。亦原不為陰症立方也。蓋傷寒纔一發熱發渴。定然陰分先虧。以其誤治。陽分比陰分更虧。不得已從權用辛熱。先救其陽。與純陰無陽。陰盛隔陽之症。相去天淵。後人不窺制方之意。見有成法。轉相效尤。不知治陰症以救陽為主。治傷寒以救陰為主。此一語為治傳經症之秘旨。傷寒縱有陽虛當治。必看其人血肉充盛。陰分可受陽藥者。方可回陽。若面黧舌黑。身如枯柴。一團邪火內燔者。則陰已先盡。何陽可回耶。故見厥除熱。存津液。元氣於什一。已失之晚。況敢助陽。

却陰乎。證治方云。若證未辨陰陽。且以四順丸試之。直指方云。未辨疑似。且與理中丸試之。亦可見從前未透此關。縱有深心。無可奈何耳。因爲子輩詳辨。并以告後之業醫者云。

成無己云。凡厥若始得之。手足便厥而不溫者。是陰經受邪。陽氣不足。可用四逆湯溫之。若手足自熱而至溫。從四逆而至厥者。傳經之邪也。四逆散主之。必須識此。勿令誤也。又當兼以外症別之。予嘗治過一中年婦人。惡熱身熱而渴。脈數細弱。先厥後熱。用溫藥反劇。後以四逆散兼參朮各半兩服之。厥即愈。脈出洪大而痊。

按成所論陰經受邪。及傳經之邪二厥。一用四逆湯溫治。一用四逆散涼治。已昭然若揭。喻或未之見耳。故列其案於此。

陸平叔文學。平素體虛氣怯。面色痿黃。藥宜溫補。不宜寒涼。固其常也。秋月偶患三瘧。孟冬復受外寒。雖有寒熱一症。而未至大寒大熱。醫者以爲瘧後虛邪。不知其爲新受實邪也。因舊病感新邪。邪最易誤人。投以參朮補劑。轉致奄奄一息。遷延兩旬。間有從外感起見者。用人參白虎湯。晷無寸効。昏昏默默。漫無主持。已治木矣。喻診之。察其脈未大壞。腹未大滿。小水尙利。謂可治。但筋脈牽掣不停。祇恐手足痿廢。仲景

云。筋脈動惕者。久而成痿。今病已二十餘日。血枯筋燥。從可知矣。今治則兼治。當於仲景之外。另施手眼。以仲景雖有大柴胡湯。兩解表裏之法。而無治痿之法。治痿獨取陽明。此症原屬暴傷。非損也。變用防風通聖散成方。減白朮。以方中防風。荆芥。薄荷。麻黃。桔梗。爲表藥。大黃。芒硝。黃芩。連翹。梔子。石膏。滑石。爲裏藥。原與大柴胡之制。畧相倣。且內有當歸。川芎。白芍。正可領諸藥深入血分。而通經脈。減白朮者。以前既用之。貽悞。不可再悞耳。當晚連進二劑。一劑殊相安。二劑大便始通。少頃睡去。津津汗出。次早診之。筋脈不爲牽掣。但陽明胃脈洪大反加。隨用白虎湯。石膏知

母。每各兩許。次加柴胡。花粉。芩。柏。連翹。梔子。一派苦寒。連進十餘劑。要之前悞用溫補。神識清。飲食進。半月起於牀。之劑亦不少矣。一月步於地。暑過。啖即腹痛泄瀉。儼似虛症。喻不之顧。但於行滯藥中。加柴胡。桂枝。升散餘邪。不使下溜。變痢。然後改用葳蕤二冬。畧和胃氣。間用人參。不過五分。前後治法。一一不違矩矱。始克起。九死於一生也。

徐國楨傷寒六七日。身熱目赤。索水到前。復置不飲。異常大躁。將門牖洞啟。身卧地上。輾轉不快。更求入井。一醫洵洵急。以大承氣與服。喻診其脈。洪大無倫。重按無力。謂曰。此用人參附子乾薑之症。奈何認爲下症耶。醫曰。身熱目赤。